



Terenga 6: Hōtaka 52 - Ngā kupu takitahi, takitini hoki

He Mihi

Ranea ana te kai a te rangatira i te pātaka nei o Ako. Nau mai me tō arero kia tawetawē ai tēnei papa i te rorohū o te reo.

Hei Mahi Whakarongo

Ko tētehi o ngā painga o te hōtaka o Mataora, ka matapakihia ngā kaupapa o ia rā, o ia rā, e hāngai ana ki te ao e noho nei tātou. I te rā nei ka kōrero tahi a Eru rāua ko Te Ataakura mō te kākahu te take.

Anei ngā pātai hei whakautu mā koutou:

- 1) He aha oti te 'tā miramira'?
- 2) He aha ōna painga?
- 3) E hāngai ana ki tēhea whakatupuranga?


Kia mātaki, kia whakarongo hoki tātou.

He Whakamārama

Ka whakawaia tātou e te reo Pākehā i ētehi wā. Ka whakamāori kē i te kupu Pākehā, tē aro ai ki tā te Māori titiro ki taua kupu. Anei ētehi tauira:

Tā te reo Pākehā	Tā te reo Māori
hips	te hope
scissors	te kutikuti
hair	ngā makawe
blood	ngā toto
trousers/pants	te tarau
beard	ngā pāhau

He Mahi Ī-papa



Tuhia he kōwae kotahi e whakamahi ana i ngā kupu takitahi/takitini e whā, e tuia ana i roto i te kaupapa kotahi.

Hei Mahi

Whakamāoritia ēnei rerenga kōrero. Kia tūpato, kei whakawaia koe e te reo Pākehā!

1. Shake your hips to the music.
2. Put your pants in the washing.
3. Pass me that pair of scissors.

Whakautu:

Mahi ĩpapa: Tikina te kutikuti hei tapahi i ngā makawe. Kia tūpato kei rere ngā toto, ka paru ai tō tarau.

Hei Mahi:

1. Whatiwhati tō hope ki te pūoro.
2. Whiua tō tarau ki roto i te rūma horoi.
3. Homai tēnā/tērā kutikuti.